



Aqqalu C. Jerimiassen

UKA 2025/56+75-1

Atassut

07. Oktober 2025

Naalakkersuisut Qaqortumi GUX-imi timersornermut sammivilimmik pilersitsinissami neqerooruteqarnissamilu pitsaaqutit ajoqutillu nalilersorneqarnerannik imalimmik nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaammi ersersinneqassapput taamatut isummernermi aningaasatigut allaffissornikkullu kingunerisassai. Nassuiaat Inatsisartunut agguanneqareersimassaaq 1. januar 2027 nallertinnagu.

(Inatsisartunut ilaasortaq Karen Marie Kyed Frederiksen, Demokraatit)

Naalakkersuisut Ilulissani GUX-imik tassungalu atatillugu ilinniartut inaannik kingusinnerpaamik ukioq 2027 naatinnagu pilersitsinissaannut peqquneqarnissaannik Inatsisartunut aalajangiiffigisassatut siunnersuut.

(Inatsisartuni ilaasortaq Jens NapātôK', Naleraq)

Nunatsinni ilinniagaqarnikkut qaffassaanissamut ineriartornerunissamullu sammiveqartut Atassummiit assut tapersernartittarpagut.

Ukulu maanna siunnersuutit marluk saqqummiunneqartut eqqarsaatigalugit, ataatsimut isigalugu naalakkersuisut akissutigisaat ingasammillu qiningaaffiup siuliani misissueqqaarnissamut siunnersuuteqartoqareernerani akissuteqartoqarnikuunera naammagisimaarneqanngissimaqaaq arlalinnik, allaallumi naggataani Naalakkersuisumik akeqartariaqarsimalluni.

Siunnersuummullu siullermut taamaattumik Atassummiit isumaqarpugut naalakkersuisut nalunaarusioratik periarfissat annertusarnissaanut ujartuinissamik siunertaqarnerusariaqartut, tassami suleqatigiisitit allallu aqqutaluqeqaarniaraanni misigilissagattaasiit qinigaaftik naariikatattoq sumillu siunnersuummik piviusunngortoqarani.

Qaqortumilu timersornermut sammivilimmik GUX-imik inerisaasoqassappattaaq ullutsinnut malinnaarpalaarluni, tassani eSport sapinngisamittaaq ilaasariaqartoq innersuussutiguttaa.

Taamaattumik siunnersuut imm.56 siunertaa paasisinnaalluarualugulu nalunaarusioqqaarnissaq tapersinngilarput, pisariaqartuusorinnginnatsigu nalunaarusioqqaarnikkut siunertaa anguneqalertorsinnaasoq, illuanilli naalakkersuisut pitsaanerusumik suleriaqqittariaqarnerannik Atassummiit kaammattuinnarumallutigit.

Imm.75 eqqarsaatigalugu;

Avannaata Kommunia tassaavoq nunatta aningaasivissua pingaarnarpaatut inissisimasooq nunatta avammut aalisakkanik tunisassiorneranut, taamaattorli tassaavortaaq nunatsinni kommunini kisiartaalluni ilinniarnertuunngorniartimmittaaq peqanngitsoq.



Taanaannaangilarli, nuna tamakkerlugu ilinniangaqassutsikkut Avannaata Kommuniani innuttaasut tassaapputtaaq agguaqatigiisillugu appasinnerpaamik inissisimasut.

Quianalaartuali maanna tikikkusunnarsivoq.

Uani siunnersuummi misinnarmat arlaatigut mumittoqalaarsimasoq, tassami UKA2021 imm.72 Inatsisartunut ilaasortaasumit Nivi Olsen-imit (D) siunnersuutigineqartumut assigulluinnarmat, uanilu illuaniit illuanut mumilluni aappaa siunnersuuteqartunnguinnarluni inissimmat.

Tassuunartaatigut takullugu niaqoq kuminngittuulaarfiunngilaq.

Taamanikkut siunnersuutaasoq iluatinnaateqartillutigu Atassummiit ataatsimiitsitaliamut innersuupparput.

Sulilu isumarput attapparput, ilinniarnertuunngorniarnermi qaffasissumik ilinniaqqinnissamut matuersaatit qaffasinneraarat.

Siunnersuuteqartorlu ugguuna assortorsinnaangilarput, siunertaq una aallarnisassagaanni aningaasatigut imaannaangitsumik kinguneqartussaavoq, akisuvoq, namminerli aamma siunnersuuteqartup 2021-imi akissutaanituttaaq eqqarsarnartoqarsinnaagaluarluni, tassami taamanikkut oqaaseqaamminni tulleriaarineri piviusersiunngitsutut nalilermassuk.

Maanna qanoq inissisimavugut tassani? Tulleriaareqqinnissamut akissaqarpugut aallanisarnissaanut?

Atassummiilli oqariatuutigerusupparputtaaq, Naalakkersuisut akissuteqaataat assut ataqtatigiisikkuminaatsikkatsigu.

Ilinniaqqiffissat, ilinniarnertuunngornissamut periarfissat, pikkorissarfissat taputartuullugit oqaaseqaamminni ersernerluttumik nassuiarneri paasiuminaatsitaqarfigisupilussuugatsigit.

Minnerunngitsumillu Naalakkersuisut allannguutissatut siunnersuumminni misissuinissaminnik siunertaqartumik oqariatuuteqarput, qulequtaq takisuupilussuaq oqaasertamigut kusanarsinnaagaluarluni sumorpiaq tunnganersoq paasinangitsoortoq. Maluginiannngitsuunngilarpullumi Atassummiittaaq, allannguutissatut siunnersuut qaqinneqartoq, qulequttatut atussagaanni una siunnersuut ipilluinnartussaasutut isikkoqartussaassammat, tassami allannguutissaq saqqummiunneqartoq oqaasertarissaaraluaqaluni ukiulerneqarsimanngilaq, taannalu Atassummiit naammagisimaangilarput.

Taamaattumik takisoorsualiorpallaanngikkaluarluta taamatut oqaaseqarluta, Atassummiit imm.75 Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut innersuupparput.